

（欽定）廓爾喀紀畧

卷

六五

欽定麻蘭客紀畧

卷一

欽定廓爾喀紀畧卷五

十月十二日

癸丑

上命軍機大臣傳諭鄂輝成德曰前因都司徐南鵬
守禦營官寨尙屬奮勉已降旨令鄂輝等遇有應
陞之缺卽行擢用與烏爾公阿皆賞戴花翎矣徐
南鵬在綠營將弁中尙係有用之人保泰等不令
其協力防守札什倫布而轉令在無關緊要之營

官寨駐守總由保泰調度乖方所致但該都司於
賊匪攻擾時竟能保守無虞尙無緣營懦怯習氣
至烏爾公阿原派在江孜防守嗣因賊匪佔據扎
什倫布保泰將伊調回又因賊匪退去恐往江孜
滋擾仍令前赴江孜此皆保泰漫無主見以致將
弁無所適從不能得力徐南鵬烏爾公阿二人尙
無貽悞著鄂輝等到藏後卽將伊二人傳到令其

迅速馳驛來京以便垂詢該處賊匪起衅及如何
滋擾情形並明白告知不必心存畏懼必須晝夜
兼程儘力行走到京面詢後再令伊二人仍速回
西藏俟明春大兵進勦時隨營打仗至前次派令
前往賊巢詢問情節之都司嚴廷良嗣經保泰撤
回後該都司究在何處防禦曾否與賊接仗總未
據保泰奏及並著鄂輝等查明詳悉具奏若其人

办經出力並著速來至巴勒布在藏貿易之人昨
已降旨令鄂輝等查明此內有曾經送信者送京
辦理其餘人等派委副將一員多帶兵丁驅逐出
境今思總兵穆克登阿現在帶領屯練兵丁赴藏
伊係前歲熟手卽著該總兵帶領兵丁將巴勒布
貿易人等押令出境較爲得力且聶拉木係賊匪
佔據之地恐有與賊勾結等事更宜留心防範穆

克登阿將巴勒布等逐出邊境外卽在聶拉木帶
兵駐守不必拘泥又往前藏總俟大兵進剿時穆
克登阿卽可在該處帶兵會合打仗以省往返之
勞兼杜賊匪窺伺之路

十六日丁巳富綱奏言九月二十九日准四川督

臣鄂輝咨稱廓爾喀賊匪分圍扎什倫布催調

滇兵二千名速赴西藏以資協剿臣查所撥省

標及近省營分共兵九百名已於九月二十五
日間日分起接續前進其武定曲尋二營官兵
業已抵省現卽馳檄催趲計本月初十內外俱
可齊至大理其時總兵劉之仁亦可到彼臣現
復檄知一俟官兵到齊卽同提標兵五百名一
並帶領起程其鶴麗鎮維西協永北營共兵六
百名俱飭帶兵將備管領先赴滙總之中甸同

知地方駐劄俟劉之仁到彼分起派撥出口奏

入

上命軍機大臣傳諭孫士毅鄂輝成德富綱曰富綱
奏接准鄂輝來咨催調滇兵迅速赴藏等語此事
總由保泰怯懦無能一聞賊來後藏滋擾卽心驚
胆落毫無主見紛紛遠調官兵援救殊不知賊匪
離前藏雖近而距調兵之滇省甚遠亦屬緩不濟

急卽云衛藏官兵較少不能與賊對壘接仗藏番
又怯懦不堪遇賊卽退然亦當聚積固守何致扎
什倫布等處遽爲賊匪蹂躪而鄂輝身爲總督亦
復漫無把握率據保泰咨會將滇兵忽停忽調使
該省無所適從甚屬非是著傳諭富綱如官兵業
已啟程行至何處卽於該處轉回若已至四川交
界卽著孫士毅檄令回滇總俟明春大兵進剿時

再聽候檄調此時斷無庸前往徒至虛費至此次
滇兵如已起身其一應沿途往返所用糧餉著富
綱查明數目咨照川省著落鄂輝保泰二人賠繳
以示懲儆現在廓爾喀業已遠遁各處續調官兵
節經降旨俱令暫緩赴藏孫士毅在打箭爐駐劄
旣無賊匪信息可探亦無照料官兵出口等事著
卽回至省城將總督衙門一應事宜次第妥辦俟

春融雪化大舉進勦賊巢時該督再行前赴打箭
爐駐劄調度照料所有調兵運糧諸事前已責成
孫士毅悉心經理此時停止滇兵及續調官兵一
切要務竟專交伊一人籌辦務須仰體朕心俱臻
妥協方爲不負委任

同日福康安奏言臣於十月初三日在江西吉

水途次欽奉

諭旨鄂輝成德帶領屯土番兵分起前進廓爾喀賊
匪若已聞風竄回轉不能痛加殲戮俟明歲春融
厚積兵力分路進討竟須福康安前往督辦福康
安卽趲程迅速來京候朕面授方畧等因伏思廓
爾喀侵擾後藏一事昨奉

諭旨著奎林等往辦福康安似可不必前往臣以受
恩深重分應圖報涓埃當卽恭摺

奏懇馳往會辦俾臣職得以稍盡臣心得以少安

茲疊奉

聖諭令臣趲程赴京面聆

訓示與奎林等協力辦理不禁感而愈奮軍旅之事
臣未能熟練惟有勉承

睿畧仰仗

天威殫竭心力以期迅速蕲事上慰

聖懷現在遵

旨加緊趲程到京一切親承

指授得以欽遵妥辦尤爲慶幸至廓爾喀現在情形
雖未深悉但思賊匪等前此滋事仰荷

聖主如天之度

矜宥歸誠並蒙格外

恩施賞給封爵稍有人心自應倍加感惕乃復因地

欽定四庫全書
卷五
租錢文細事敢於自作不靖侵擾後藏若不加
以懲創無論將來後藏日靡寧居卽就目前事
理而論賊匪等如此翻覆無常負

恩藐法豈可置之不問誠如

聖諭卽不掃穴擒渠亦必痛殲賊衆使之畏懼籲求

不敢再萌他念方足示軍威而靖邊徼

臣

仰沐

天恩委以戎行重寄斷不敢將就完事稍存姑息至

明歲春融大舉伏讀

諭旨約需調兵近萬

睿慮周詳瞭如指掌賊匪等恃其險遠竟敢疊次滋事此時兵力過少固無由使彼懾服一勞永逸倘糜費過多於事體又屬不值現在應調何路官兵及糧運各事宜

聖謨早有成算

臣

到京聽領